



Aalisarnermut Naalakkersuisoq
Ane Hansen
Postboks 269
3900 Nuuk

Nuuk, 13. juni 2009

ALLAKKAT AMMASUT

Saarullit akii minnerpaaffilertariaqarput!

Sinerissap qanittuani aalisartut, pingaartumik saarullinnik isumalluuteqartut, ullutsinni imaan-naanngitsumik inuutissarsiutimikkut oqimaatsumik eqqorneqarsimapput. Nunarsuarmi saarullit akiisa apparujussuarnerisa kingunerisaanik saarullinniarneq akilersinnaajunnaavissimavoq. Tamatuma kingunerisaanik ilaqutariippasuit annertuumik aningaasatigut ajornartorsiorput, allaallu ulluinnarni pinngitsoornani akiligassanut assigiinngitsunut, soorlu ineqarnermut, kiassarnermut innaallagissamullu akiligassanut, piaartumik iliuuseqartoqanngippat akis-saarutivissallutik.

Pissutsit iluangersunartuupput, taamaattumik Siumumit siunnersuutiginnarnagu piumasarissavarput, piaarnerpaamik, kingusinnerpaamillu sapaatip akunnera tullia naatinngat Naalakkersuisut aaqqiissutissasmik iliuuseqareersimassasut.

Siumumit siunnersuutigissavarput Naalakkersuisut Kalaallit Nunaanni Aalisartut Piniartullu Katuuffiat, KNAPK, ataasinngorpat attavigissagaat saarullit akiisa minnerpaaffilernissaannik aaqqiinissaq siunertaralugu.

Angallat akilersinnaasumik ingerlassappat, inuttallu piginnarneqassappata saarullit akii pinngitsoornani minnerpaaffilertariaqarput. Siumumit aalisartunit isumasiuunitsinni paasitineqarpugut aalisariut akilersinnaasumik ingerlassappat saarullit minnerpaamik kiilumut 8 kr.-qartariaqartut. Taamaattumik maannakkut kiilumut akiutinneqartut 5 kr. ataallugu annertussusillit kialluunniit aalisartup inuussutigisinnaanagillu nappatigisinnaanngilai.

Aalisartorpassuit ilaqutariippasuillu atugaat pineqarmata Siumumit naggataatigut piumasareqqis-savarput Naalakkersuisut piaarnerpaamik iliuuseqaqqullugit!

Inussiarnersumik inuulluaqqusillunga
Siumut sinnerlugu

Karl Lyberth
Politikkikkut oqaaseqartartoq